

دائرة مخصوصه

درسماعده باب عالی جوارنده

محل اداره :

مستطابق

اخطار :

مسلمکده موافق آثار جدید مع المنوبه

قبول اولیور

درج ایدیه بن آثار اعاده او انوار

درسه، فلسفه، علوم، حقوق، ادبیات و سیاسیات و باطنیات و کرم اجتماعی و مدنی احوال و شئون امور و دینیه و دنیوی و غیره و نشر اولیور.

آبونه بدلی

سنه لکی التي آلتی

ممالک عثمانیه ایچون	۸۰	۴۰	غروش
روسیه	۶۰	۳۰	روبله
سائر ممالک اجنبیه	۱۷	۹	فرائق

صاحب و مؤسسی :
ابوالعلا زین العابدین - ح . اشرف ادیب

تاریخ تأسیسی

۱۰ تموز ۱۳۲۴

درسماعده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلیر

عدد : ۵۹

۶ شوال ۱۳۲۷ پنجشنبه ۸ نثرین اول ۳۲۵

اوجنچی جلد



لزمی قدر اعتنا ایدیلرکی مالده، مطبعه مزك و کیشمی بوزنده
صراط مستقیم کجه هفته کی نسخ مندر برضی ایدر یا کلینلری، ترکیب
مقطری، صرف نقصانلری اولدی، کرم محرر مزك، کرم
قارئین مزك عفوینی نیاز ایدرک بوندره صوکره کی نسخ مزك یکی
مطبعه مزده کندریلرکی ممنونه ایدرک صورتده باصبد جفتی عرصه ایلر.

اجتهاده دائر

دور احوالده اشرار :

شفیع الامم رسول اکرم صلی الله علیه وسلم افندمن حضرتلری
ارتحال بیوردیلر، آرتق دین جلیل تماماً تبلیغ اولمش ؛ بتون
فروعائیه اصحاب کرام حضرتلرک عهدۀ امانت لرینه و دیعه قیلنمشدی،
دین مینک دستوری اولان علم فقه دخی جزئیات، مسائل حالده
بر بحر بی پایان اولان تعلیمات نبویه آراسنده متفرق برحاله قلمش ؛
هپسی بردن صدور اصحابده محفوظ بولنمشدی، فقط بو برودیعه ایدی،
جناب الله طرفدن رسولی واسطه سیله کندریلرینه امانت ایدیلشدی،
بناء علیه بوندن آنجق احتیاج مقداری استفاده ایتدکن صوکره
ذره سنی غائب ایتدکن اخلافه تسلیم ایلک ایجاب ایدیوردی . بونکله
برابر بو احکام جلیله نك قیامته قدر بقاسی مطلوب الهی ایدی .
جزئیات، مسائل حالده قالدینی صورتده محافظه سی متعذر، احتیاجه

کوره مراجعتی مشکل اولدیغندن شو احکام جلیله فقهیه نك (۱) قواعد
واصوله ربطی، (۲) مسائلک تصنیفی، (۳) ابوابک و فصولک وضع
و تدوینی لازم کلیوردی، ایشته بویک بیوک بروطفه دینی، مجتهدین
وفقهاء اصحابک ایچنده بتون مساعیلرینی بذل بیورمه لری ایجاب ایدن
کنیش بر ساحة علمی ایدی .

اصحاب کرام و خلفاء راشدین دورنده ثوالی فتوحات ایله عالم
اسلامیه نك حدودی ایچیه کسب وسعت ایتدی، لوای اسلامیتک زیر
حمایه سینه اقوام مختلفه، ملل متشسته التجا ایلدی، غزوات،
فتوحات، توسع ممالک هپ بردوام ایدی .

فقط ممالک توسع ایتدکجه، نور اسلامیت کرۀ ارضک اوزاق
کوشه لرینه قدر اشمه نثار اولونجه دستور اسلامیت اولان علم جلیل
فقهک اهمیتی، آکا اولان احتیاج ده اونستنده متزاید بولنیوردی،
اورتالقد حکم شرعیسنی بیلمک لازم کلن مختلف حادثه لر تکون
ایتدیکی کبی، اطراف و اکنافدن امثالی، نوعی سبق ایتماش غریب
استفقالر ورود ایدیوردی . ایشته بونلرک هپسنه هم معقول، هم ده
بر دلیل شرعی یه مستند جوابلر بولمق، قویمش سلسله حیاتی شان
اسلامیه موافق بر طرزده ربط ایتک لازم کلیوردی . ایشته
اسلامیتک روحی مشابه سنده اولان بو خدمت مقدسه یی ایفا ایتک،
اسلامیتک مصالح و منافع و حقنده قاصر اولمادیغنی یار و اغیاره قارشو
میدانه قویمق مجتهدین اصحابک اهم وظائفدن ایدی .

خلفای راشدین حضراتی مشکل بر مسئله تحدث ایتدیکی و یاخود
جوابی غیر معلوم براستقتا ورود ایلدیکی وقت همان فقهای اصحابی

دعوت ایدر؛ استشاره بیورلردی. هله حضرت عمر استشاره بابنده اكه ایلروكلنلردن ایدی.

ذاتاً اسلامیتده برحادثه، برمسئله نك حكم شرعیسی نصاً معلوم اولمادینی صورتده استشاریه، بویله حل اولمازسه اجتهاده مراجعت ایلک قواعد مستتبغه دندر. دین میننده برمسئله نك حلی ایچون باشقه بر طریق متصور دکلدر.

استشاره اجتهادك بر مقدمه سی مثابه سنده اولوب، بونكله یکی بر حکم میدان کتورلر. بلکه بوصورتله مستشارلرک عننده بر نص موجود اولوب اولمادینی تحقیق اولنور؛ اجتهاد ایچون یول آچیلیر. اشته شو یول ایله تحری احکام ایچون توجه ایدیلور.

نصلکه شارع تعالی « فاسئلوا اهل الذکر ان کنتم لاتعلمون... » بیوریور. « اهل ذکر » اهل نص، یعنی نصوصه واقف اولانلر، یاخود نصوص اوزرنده تتبعات اجرا سبله مشغول اولانلر دیهرک تفسیر اولنه بیلیر. « واذکرن مایتلی فی بیوتکم من آیات الله والحکمة » آیت کریمه سی دخی تفسیر مذکوری تأیید ایدیور.

آکلاشیلیور که بر حادثه نك حكم شرعیسی بیلیمک ایچون منحصرأ بر یول، بر ایز موجوددر که قیوسی استشاره ایله آچیلوب، اجتهاد ایله مطلوبه ایریشیلیر.

اشته بوندن طولاییدر که، عمر رضی الله عنه، قاضی شرح حضرتلرینه یازدینی مکتوبده: « اذا حضرتك امر لابد منه فانظر ما فی کتاب الله فاقضی به فان لم یکن فیما قضی به رسول الله صلی الله علیه واهل وسلم، فان لم یکن، ففیما قضی به الصالحون وائمة العدل فان لم یکن فأتک بالخیار فان شئت ان تجتهد رأیک فاجتهد رأیک وان شئت ان تؤأمری ولا امری مؤأمرتک ایای الا خیراً لك والسلام » بیور مشلردی. عمر رضی الله عنه حد شرب حقنده علمای اصحاب ایله استشاره ایلش، دیگر بر وقتده دخی جد و اخوه نك آرالرنده اولان نسبت ارثیه دائر تتبعاتده بولنق ایچون بر مذاکره علمیه عقد بیور مشلردی.

عثمان رضی الله عنه دخی جد و اخك آرالرنده اولان مناسبت ارثیه حقنده اولاً زید بن ثابت، ثانیاً علی رضی الله عنهما نك تتبعات علمیه لرینه مراجعت بیور مشلردی.

اشته بوصورتله احتیاج فقهی عادتاً جانلامش ایدی. هله خلفا راشدین دورنده بعض مسائل فقهیه نك تدقیقی ضمننده مجالس علمیه ترتیب بیور یله سی فقههای اصحاب ایچون بیوک بر ترغیب، بیوک بر تشویق ایدی. اومجالس علمیه ده بر مسئله مشکله نك حلله یاردم ایده بیله جک برسوز سولیک آزر بر شرف دکلدی.

حق عصر سعادتده حضرت عمر اوغلی عبداللهک ایراد بیوریلان برسوال نبوی ایچون ذهنناً صحیح بر جواب بولدینی حالده اظهاره جسارتیاب اوله مدیغنی استخبار ایدنجه: « لان تكون قلتها احب الی من ان یكون لی کذا وکذا » بیور مشلردی.

انسان دشمنه، رقیبه غلبه چالمقده نه قدر طاتلی، نه قدر ذوق آور بر حسله متحسسن ایشه، مجهولات ایله اولان مجادله سنده قازاندینی

غلبه دن دخی عینی حسی دویار. بوحس انسان ایچون طبعی، فطری بر حسد. اشته اجتهاد، شومجهولات ایله اولان مجادله در. بیلیمک ده بوغلبه دن عبارتدر.

انسان بر مسئله یی بیلیمک، ایضاح ایلک ایچون، آنک امثالی، ادله سنی، آثارینی آراشدیرر. فکردن فکره انتقال ایلر؛ ذهننده آلایلر کچیریر. ذهننده موجود قالبلره صوقشدیرر. چالیشیر، چابالر، نهایت بر قابله اویدیرر. فکرنده توقف حاصل اولور. اشته بو علمدر. نتیجه اجتهاددر. فقط بو دوریه کمنجهیه دکن ذهن یوریلش اولور. بناء علیه توقف وقوعه کلدیکی کبی استراحت طالار. اشته روح، ذهنک شوتوقفندن لذتیاب اولور.

تبعات علمیه، هر درلو زحمتلرینه، مشقتلرینه رغماً پک زیاده ذوق آور بر ایشدر. هله ذهنک، فکرك توقف ایده بیله جکی بر نقطه یه وصول، یعنی قناعت وجدانیه حصولی، هله اصابت روحك اك زیاده سودیکی بر حالت مغنویه در.

ابن عباس رضی الله عنهما دن مهری تسمیه ایدلمکسزین نکاح اولنوب زوجی وفات ایدن قادینک مهرندن، میراثندن سوال اولنمشدی. فقط عبدالله حضرتلری بو خصوصده بر اثر خاطر لیه مبور دی. دوشنمک اوزره مهلت ایستدی. بر آی صوکره بالا جتهاد جواب ویردی. جوابك قضأ رسول الله موافق اولدینی معقل بن یسار حضرتلری طرفندن شهادت ایدیلانجه اوقدر سوندیلر که شرف اسلام ایله مشرف اولدیغند نصوکره هیچ بروقت اوقدر سوندیکلری کور یلامشدی. اصحاب کزین حضراتی کرک عرض ایتدیکمز وجهله مختلف صورتلرده تجلی ایدن احتیاجاتك الجاسیله، کرک تتبعات علمیه یه مخصوص بر ذوق مغنوی حس لطیفنه تبعیتله اجتهادلرنده دوام بیوردیلر. اشته بویله صرف مجتهدات اصحابدن اولمق اوزره بر چوق مسائل فقهیه و علمیه میدان کلدی.

ارتحال نبوی دن صوکره حضرت صدیقك مقام معلای خلافته کلکی بر اجتهاد مخصوص اوزرینه وقوعه کلشدی.

جمع قرآن مسئله سی دخی بالا جتهاد حل اولنمشدی. مصاحف شریفه نك توحیدینه دخی بالا جتهاد قرار ویریلشدی.

زمان صدیقیده معاشك مساوات اوزره توزیعی، زمان فاروقیده اصحاب معاش تصنیف ایدیلرک اوکا کوره تسویه سی اجتهاد مخصوص اوزرینه اجرا ایدیلشدی.

امهات اولادك میدان تجارتدن چکدیرلمسی دخی عمر و علی رضی الله عنهما نك رأی رزین صائبانه لرله وقوعه کلشدی.

اولوم یتاغنده اولان زوج ایله خلوقی شرعاً صحیح اولان قادینک میرانه استحقاقی بالا جتهاد اثبات ایدیلشدی.

بیع طعام ماده سنده شرط منصوص اولان قبض، بالا جتهاد بتون اشیانك بیعنده اعتبار ایدیلشدی.

فرائضده عوله مراجعت ایدرک نقصان عارضی بتون اصحاب فرائضك حصه لرینه توزیع ایتک ماده سی دخی بالا جتهاد قبول اولنمشدی.

تلف اولان عسکرک مقداری یوزبیکلره بالغ اولمش . دوشونولورسه بونک سببی ینه جهل بولورز .

کرك روم ایلیده ، کرك اناطولیده ، کرك عربستانده ، الحاصل شومللاک عثمانیه نك هر طرفنده وقوعه کلن اختلالر ، داخلی محاربه لر ... بتون تحقیق ایدرسه کز کورورسکزرکه جهلدن ناشی در .

دیمک اولویورکه اک بیوک بلا ، اک بیوک آفت ، جهل ایمش . شو حالده بونک ازاله سی چاره سی ؟ بونک ضدینی التزام لازم کلیر . « علم » ی شدتله التزام ایتیمجه بومملکت فلا کتدن خلاص اولمایه جق .

بوندن صکرا حکومت بوکا چالیشه جق ، الندن کلدیکی قدرنشر معارفه بذل همت ایده جکدر . اها لیده قیمتی بیلملی که حکومت عزمنده موفق اولسون . اهالی حکومتک سعینی ثمره سز بر اقرسه ینه موفقیت حاصل اولماز .

اناطولیده عجیب وغریب فکر لر وارد : مکتب آچیلسون ، چو جقملر اوقومه یازمه او کرسون دینلیدی ؛ یعنی اصول جدید اوزره تربیه ایدلسون دینلیدی اهالی بونی باشقه درلو تلقی ایدر ، بوکا باشقه درلو معنا ویرر :

— ها .. چو جقملر یزی دینسز یاپه جقملر ...

کویا حکومتک مقصدی بوایمش . بر کره دوشونمبورکه حکومت نه دن اهالی بی دینسز لکه سوق ایتسون ؛ بونک سببی نه ؟ بر حکومت اسلامیه کندی تبعه سنی ، تبعه مسلمنه سنی نه دن دینسز ایتیمکه چالیشسون ؟ حکومت بوندن نه استفاده ایده جک ؟ شبهه یوقکه هیچ برشی استفاده ایتیمکه برابر کندی کندی سنی محو ایده جک .

شو حالده تشویق ایتیمی ، حتی اجبار ایتیمی عجبا اهالینک منفعتی ایچونمی ، یوقسه مضرتی ایچونمی در ؟ طبیعی کورولبورکه دوچار اولدینی مسکنتدن ، فقر و مذلتدن قور تارمق ایسته یور . حکومتک وظیفه سی ده بودر ، زیر حکومت تبعه سنی البته رهبر لک ایده جک ، چونکه اهالی کندی کندی سنی برشی یاپه ماز .

شیمدی به قدر حکومت بو وظیفه سنی یامادی ، فقط بوندن صکرا یاپه جق . لکن اهالی ده تقدیر ایتلی . هیچ اولماز سه قومشولرمزه ، خرستیان و طنداشلری مزه باقلی ، نصل چالیشیورلر .

مکتبه کتمکه انسان دینسز اولماز بلکه مکتبه کتمزده تعصبده دوام ایدرسه اوقت هرشی اولور . قوت المزدن کیدر . چونکه قوته قارشی ضعف ، علمه قارشی جهل قطعاً مقاومت ایده مز . بونک ایچون اهالی کوزینی آچلی ، قومشولریمز و طنداشلریمز نصل چالیشیورلر ، معارف ایچون نصل جان فدا ایدیورلر ، کورملی ، عبرت آلمی . اهالی دائماً معارف ایسته ملی ، حتی حکومت کندی یاماز سه اهالی جمعیتلر تشکیل ایتلی . الحمدلله اهالی حردر . چالشمق یوللری آچقدر . درلو درلو مکتبلر ایچون ، زراعتک ترقیسی ایچون ، صنایعک ترقیسی ایچون هر یرده ، هر ایشده جمعیتلر تشکیلی اهالی به

« زوج وابوین » مسئله سنده زوج ایچون نصف ، ام ایچون ثلث مابق ، اب ایچون ده تمام مابق اعطاسی بواجتهاد مخصوص اوزرینه بنا ایدیلشدی .

دیت خصوصنده اضراسک اصابعه الحاقی ، « کلاله » نک تفسیری هپ ارتحال نبویدن صوکره وقوعه کلن مجتهدات اصحاب جمله سندندر .

اشته آ کلاشلیورکه اولجه فتح اولنان باب اجتهاد فخر کائنات افندمزک ارتحال بیورمسيله تکرار سد اولنمأمشدی . بلکه بالعکس دها زیاده کسب قوت ایتیمشدی . زیرا احتیاج دها زیاده اجرای حکم ایتیمکه باشلامشدی . ذاتاً باب اجتهاد و بویله بر کونلر ایچون فتح اولنمشدی . مشکل بر مسئله ظهورنده ، غریب بر فتوی ورودنده آرتق اول حضرته مراجعت ایتیم ممکن اولمیوردی . پیغمبر وفات ایتیمشدی . فقط ایکی اساس متین اولمق اوزره کتاب ، سنت براقش ، لزومی تقریرنده مراجعت ایتیم اوزره اصول اجتهادی تعایم بیورمشدی .

اشته آرتق شریعت غرای محمدیه نک دوامی تأمین ایدیلش ، اوزری ده « البوم اکملت لکم دینکم و اتممت علیکم نعمتی و رضیت لکم الاسلام دیناً ... » آیت جلیله سيله ختم بیوریلشدی . صوکی وار

قرآنی مهیم ثابت

کجه درملری :

— ۲ —

قوت حاضر لاق

مقرری : موسی کاظم

محرری : اشرف ادیب

مابعد :

استحصال قوت ایچون هر شیدن اول علوم و معارفک نشر و تعمیمی واجب اولدینی باشقه بر نقطه نظره دخی اثبات ایدم : معلومدرکه بر مملکتده قوت و ثروتک حصولی او مملکتده آسایشک وجودینه متوقفدر . زیرا اسایش اولورسه راحت اولور . راحت اولورسه هر کس ایشنده کوجنده بولنور ، اسباب معیشتی سهولتله تدارک ایدر ، سعی وغیرتی نسبتده صاحب ثروت اولور . طرق تجارت بتون افراد قارشو کشاده بولنور ، اما اسایش اولماز سه هیچ برشی اولماز ؛ حتی عبادت بيله ایديله مز .

حالبوکه بزده تماميله اسایش مع التأسف هیچ بر وقت تقرر ایتیمشددر . غریبدرکه اهالیمز ده بوحقیقی حالا اکلایه مأمشددر . چونکه بز اسایش نه اولدینی بیامه مشر و بیلمیورز . ظن ایدرزکه وارددر . اسایش نه اولدینی بیلنمک ایچون متمدن بر مملکتده بولونملی که آکلاشلسون . دوشونونکر اختلال داخلیدن قور تولدیغمز وادی ؟ داخلی اشقیادن خالی برسنه مز کچدی می ؟ بن شویاشه کلدیم ، هیچ برسنه کورمدم که اختلال داخلیدن ، اشقیایلیه سندن خالی قالم .

هم بوجال ، یالکیز مسلم ایله غیر مسلم آراسنده دکل ، اهالی اسلامیه آراسنده ده بویله در . ایشته یمن مسئله سی میدانده . اون سنه دینبری